



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ex Recogniti||one Des. Eras-||mi Roterodami.||

Erasmus, Desiderius

Basileae, 1518

VD16 E 3644

Io. Frobenivs Candidis Lectoribvs S. D.

urn:nbn:de:hbz:466:1-14277

IO. FROBENIVS

CANDIDIS LECTORIBVS S. D.



NON TAM barbarorum incursiones, quibus tamē hoc omnes acceptum ferunt, quā in scitia mirusq; literarū neglectus in causa fuit cur bona pars autorum mutila hodie circūferatur. Aliquot enim saeculis adeo meliorum literarū expers etiam ipsa fuit Italia, ut in hac nemo sciret latine. Tum boni autores in tenebras cōiecti sunt. & quo quisq; melior, tanto magis neglectui habitus. at hoc utcunq; tolerabile, ni perniciosius ab his praecipue factum fuisset in libros, à quibus nihil minus expectandum erat. Eo siquidem indignitatis uentum fuit, ut CHRISTI, literarumque sacris initiati, sacerdotes inquam, & in his omniū maxime qui Fratres audiunt, insignium autorum interitum molirentur, passim suas quisq; nugas auulsis illorum membranis uestientes. Neque hoc faciebant tam amore CHRISTI, cui uiderentur non nihil officere ethnicorum monimenta, quā quod omnem odissent eloquentiam. Hinc est (ut de prorsus abolitis sileam) quod Q. Curtium ἀκίφαλον habemus, quod Taciti historiam, quam tamen toties Imp. Tacitus singulis quibusque annis excubendam curabat, adhuc imperfectam legimus. Denique quod Ammiani XIII libros desyderamus. Quem scriptorem cum ad Eutropium essemus addituri, diu nostros amicos sollicitos habuimus, quārendi ueteris exempli gratia. Verum cum nihil uspiam reperiretur, codicem tandem nacti sumus Bononiae typis excusum, quem Petrus quidam Castellus ad Philippi Beroaldi, & Baptistae Pijlectionem se castigasse testatur. Norunt docti omnes quā fuerit haecenus hic autor lacunis crebris interscissus, ut ne uersus quidem ullus inoffense legeretur. has, Bononienses isti magna ex parte expleuerunt. Restant tamen adhuc aliqua, quae non nisi melioris exempli subsidio corrigi queant. Meminit multa de Germanis Ammianus, qui id temporis Alemanni dici ceperant, non à Lemanno lacu, sed quod pleriq; Germaniarum populi in unum cōiissent, ut asserit Quadratus rerum Germanicarū scriptor apud Agathium. Hi magnam olim Galliae partem tenuerunt, sic Heluetiam occupasse Quados Eutropius indicat. Bene Valete, & operam nostram boni consulite. Apud in dlytam Germaniae Basileam sub Calendas Maias AN. M. D. XVIII.

Alemānorū
etymon.

Ammiani